


#dudukdirumah trending yang turut dikongsi Menteri KPDNHEP


2020-03-19T13:48:12+08:00
oleh Rusnan Mustafa

 **Dr Sim Kui Hian**
Semalam jam 19:07

"我们不在家，为您坚守防线，
请您留在家，作为我们的后盾"
#stayhome as much as possible... [Lihat Lagi](#)

[Lihat Terjemahan](#)




 **Alexander Nanta Linggi**
41 min

HARI KE-2 PERINTAH KAWALAN PERGERAKAN

Setelah berlalunya hari pertama, orang ramai sudah pun dapat melihat dan memahami keadaan untuk hari - hari yan... [Lihat Lagi](#)



 **KELAB PENYOKONG POLIS DIRAJA MALAYSIA**
Semalam jam 23:15

Ops Covid-19 IPK Selangor

Sekitar TTDI Shah Alam

#StayAtHome



Covid 19

Tu mih penemu ti manah ari JKKK RH Baging ngambi nagang penyakit tu ngelekal tau ditunda kita rumah panjang bukal. Kelebi lebih agi bala sa... [Lihat Lagi](#)



Media sosial dimanfaatkan bagi menyebarkan maklumat dan nasihat berkaitan Covid-19.

* **KUCHING:** Warganet kini giat berkongsi tanda pagar #dudukdirumah atau #stayathome sebagai tanda menyokong pelaksanaan Perintah Kawalan Pergerakan bagi mengekang penularan wabak COVID-19 di negara ini.

Ramai di kalangan pemilik akaun media sosial berkongsi tanda pagar itu di ruangan masing-masing.

Turut berkongsi tanda pagar itu, Menteri Perdagangan Dalam Negeri dan Hal Ehwal Pengguna Datuk Alexander Nanta Linggi yang mengingatkan orang ramai terus mematuhi Perintah Kawalan Pergerakan yang masuki hari kedua penguatkuasaan.

"Setelah berlalunya hari pertama, orang ramai sudah pun dapat melihat dan memahami keadaan untuk hari - hari yang seterusnya sehinggalah 31 Mac ini.

"Oleh itu, saya berharap mulai hari kedua ini, orang ramai akan bekerjasama untuk menghadkan pergerakan mereka serta #DudukDiRumah supaya kita sama - sama dapat membendung penularan virus Covid-19 ini dengan berkesan," katanya menerusi catatan Facebook.

Pada masa sama beliau memuji dan mengucapkan terima kasih kepada petugas-petugas yang berkhidmat di barisan hadapan.

"Dan untuk mereka yang perlu bekerja sebagai barisan hadapan. Terima kasih di atas kesanggupan dan komitmen anda!," tegasnya.

Dalam pada itu, Alexander berharap orang ramai tidak melakukan pembelian panik dan mengamalkan jarak sosial yang disarankan oleh Jabatan Kesihatan.

Sementara itu, Jawatankuasa Kemajuan dan Keselamatan Kampung (JKKK) RH Bajing, Niah meletakkan papan tanda yang mencegah orang luar daripada masuki kampung tersebut turut tular di media sosial.

Dalam papan tanda itu, JKKK RH Bajing turut mengatakan orang ramai yang degil dan memasuki kampung itu akan dikenakan denda RM2,000.

Manakala rata-rata warganet memuji inisiatif yang diambil JKKK RH Bajing dalam usaha mengekang penularan wabak COVID-19 yang menjadi kebimbangan masyarakat dunia masa ini.